



Broj: 01-16-4-2212-14/15

Datum: 22.01.2016. god.

Ministrica za ljudska prava i izbjeglice BiH, na osnovu člana 69. stav (3) i člana 70. stav (4) Zakona o javnim nabavkama („Službeni glasnik BiH,“ broj: 39/14), na Preporuku Komisije za nabavke, broj: 01-16-4-2212-12/15, od 15.01.2016. godine, u postupku javne nabavke polubijelog hljeba 500 gr. donosi

## **ODLUKU**

### **O PONIŠTENJU POSTUPKA JAVNE NABAVKE**

#### **Član 1.**

Poništava se postupak javne nabavke polubijelog hljeba 500 gr. iz razloga što su dvije od četiri dostavljene ponude ocijenjene kao prihvatljive i obje imaju identičnu ponuđenu cijenu.

#### **Član 2.**

Zadužuje se Odsjek za materijalno-finansijske poslove da rekonstruira predmet nabavke, rukovodeći se prioriternim potrebama za nabavku polubijelog hljeba 500 gr, te obnovi predmetni postupak nabavke.

#### **Član 3.**

Ova odluka će se objaviti na web stranici Ministarstva za ljudska prava i izbjeglice BiH, [www.mhrr.gov.ba](http://www.mhrr.gov.ba), istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 4.**

Ova odluka stupa na snagu danom donošenja.

## **OBRAZLOŽENJE**

Postupak javne nabavke polubijelog hljeba 500 gr. pokrenut je Odlukom o pokretanju postupka nabavke polubijelog hljeba 500 gr, broj: 01-16-4-2212/15 od 25.08.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 14.529,92 KM bez PDV-a. Obavijest o nabavci, broj: 679-7-1-14-3-7/15 objavljena je dana 25.08.2015. godine na Portalu javnih nabavki.

Konkurentski zahtjev za dostavu ponuda za nabavku polubijelog hljeba 500 gr. je prosljeđen sljedećim ponuđačima: Pekarna Makaena Mostar, Klas d.d. Sarajevo, Pekarna Julija Mostar i PI Gradska pekara d.o.o. Jablanica, dok drugi ponuđači Ministarstvu nisu uputili zahtjev za preuzimanje tenderske dokumentacije.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je Zapisnik o pregledu i ocjeni ponuda, broj: 01-16-4-2212-4/15 od 10.09.2015. godine i Preporuku o izboru najpovoljnijeg ponuđača,

broj: 01-16-4-2212-5/15 od 11.09.2015. godine, u postupku javne nabavke polubijelog hljeba 500 gr.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 4 (četiri),
- da je blagovremeno zaprimljeno 4 (četiri) ponude,
- da nije bilo neblagovremeno zaprimljenih ponuda,
- da je dat prijedlog da se 3 (tri) ponude odbace,
- da je ponuda Klas d.d. Sarajevo jedina na rang listi prihvatljivih ponuda.

Na osnovu utvrđene rang liste prihvatljivih ponuda, jedina prihvatljiva ponuda je bila ponuda ponuđača Klas d.d. Sarajevo u iznosu od 11.700,00 KM bez PDV-a, dok su neprihvatljive i odbačene bile ponude ponuđača Pekarna „Julija 036,, Mostar, Sprind d.d. Sarajevo i P.I. „Gradska pekara“ d.o.o. Jablanica.

Na osnovu naprijed navedenog, donesena je Odluka o izboru najpovoljnijeg ponuđača za nabavku polubijelog hljeba 500 gr, broj: 01-16-4-2212-7/15 od 23.09.2015. godine.

Na Odluka o izboru najpovoljnijeg ponuđača za nabavku polubijelog hljeba 500 gr, ponuđač P.I. „ Gradska pekara“ d.o.o. Jablanica je uložio žalbu, na osnovu koje je Ured za razmatranje žalbi BiH donio rješenje broj: UP2-01-07.1-1392-8/15 od 09.12.2015. godine kojim je djelimično uvažio žalbu i poništio sljedeće akte Ministarstva za ljudska prava i izbjeglice BiH:

- Odluku o izboru najpovoljnijeg ponuđača za nabavku polubijelog hljeba 500 gr, broj: 01-16-4-2212-7/15 od 23.09.2015. godine,
- Zapisnik o pregledu i ocjeni ponuda, broj: 01-16-4-2212-4/15 od 10.09.2015. godine, i predmet vratio na ponovni postupak.

Nakon toga, Ministarstvo za ljudska prava i izbjeglice BiH je pokrenulo upravni spor pred Sudom Bosne i Hercegovine, uz zahtjev da se odgodi izvršenje konačnog upravnog akta Ureda za razmatranje žalbi BiH, broj: UP2-01-07.1-1392-8/15 od 09.12.2015. godine. Sud BiH je rješenjem, broj: S1 3 U 020487 15 U od 31.12.2015. godine odbilo zahtjev Ministarstva za odlaganje izvršenja konačnog upravnog akta Ureda za razmatranje žalbi BiH.

Shodno tome, Komisija za nabavke je ponovila postupak pregleda i ocjene ponuda i utvrdila sljedeće:

Ponude ponuđača Pekarna „Julija 036,, Mostar i Sprind d.d. Sarajevo su neprihvatljive jer ne ispunjavaju uvjete koji su traženi tenderskom dokumentacijom kako slijedi:

1. Ponuđač Pekarna „Julija 036,, Mostar je u Aneks 2 Obrazac za ponudu, pod tačkom 5. „Izjava ponuđača“ upisao da ponuda važi 7 dana, odnosno do 10.09.2015. godine, dok je tenderskom dokumentacijom propisano da je period važenja ponude 60 dana, računajući od isteka roka za podnošenje ponuda. Nadalje, u Aneksu 5 Obrazac izjave o podugovaranju nije zaokružena niti jedna od ponuđenih opcija izjave, a u napomeni obrasca je jasno navedeno da je ponuđač dužan zaokružiti jednu od ponuđenih opcija koje se odnose na podugovaranje. U Aneksu 6 Obrazac izjave o obaveznoj primjeni preferencijalnog tretmana domaćeg nije zaokružena niti jedna od ponuđenih opcija izjave, a u napomeni obrasca je jasno navedeno da je ponuđač dužan zaokružiti jednu od ponuđenih opcija. Aneks 7 Nacrt Okvirnog sporazuma nije dostavljen, što je traženo tenderskom dokumentacijom.

2. Ponuđač Sprind d.d. Sarajevo je u Aneksu 5 Obrazac izjave o podugovaranju- zaokružio opciju a) da preduzeće koje dostavlja ovu ponudu ima namjeru podugovaranja u iznosu od 100% (upisano od strane ponuđača) ukupne cijene prihvaćene ponude, što je u suprotnosti sa odredbama člana 73. stav (1) Zakona o javnim nabavkama BiH kojim je propisano da ugovorni organ ne može zabraniti podugovaranje, ali može tražiti od kandidata/ponuđača da se izjasni da li namjerava dio ugovora podugovaranjem prenijeti na treće strane. Iz ovoga proizlazi namjera ponuđača da cijeli ugovor realizira podugovaranjem, dok je Zakonom jasno propisano da se podugovarati može samo dio ugovora.

Komisija za nabavke je utvrdila da su dostavljene dvije prihvatljive ponude i to:

- Klas d.d. Sarajevo, ponuđena cijena 11.700,00 KM bez PDV (ponuđač nije ponudio popust);
- P.I. „Gradska pekara“ d.o.o . Jablanica, ponuđena cijena 11.700,00 KM bez PDV (ponuđač nije ponudio popust).

Iz ovoga je vidljivo da prihvatljive ponude ponuđača Klas d.d. Sarajevo i P.I. „Gradska pekara“ d.o.o . Jablanica, imaju identične ponuđene cijene.

Kriterij za izbor ponude u predmetnom postupku nabavke je najniža cijena.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

S tim u vezi, utvrđeno je da je Komisija za nabavke u svemu pravilno postupila, te da je Preporuka o poništenju postupka nabavke data u skladu sa Zakonom, podzakonskim aktima i internim aktima i tenderskom dokumentacijom.


Obzirom da su ponude ponuđača Klas d.d. Sarajevo i P.I. „ Gradska pekara“ d.o.o . Jablanica, prema kriteriju za izbor ponude najniža cijena, identične i da je ovo razlog koji je izvan kontrole ugovornog organa i koji se nije mogao predvidjeti u vrijeme pokretanja postupka javne nabavke, primjenom člana 69. stav (3) Zakona o javnim nabavkama, odlučeno je kao u dispozitivu Odluke.

#### **Uputa o pravnom lijeku:**

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.

**MINISTRICA**

**Semiha Borovac**



Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.